

NUNATSINNI ANINGAASANOORTARNEQ, AJORNARTORSIUTAAVA? PENGESPIL, ET PROBLEM I GRØNLAND?

ANINGAASANOORNEQ
IMMERAANNEQ
ILUATITSINEQ
CASINO
BINGO
POKER
NAVIANARTOQ
ANINGAASANOORFIK
ILUATITSISINNAANEQ
SODS
ANINGAASANOORLUNI
AKILINEQ
ANINGAASANOORUTIT
ANINGAASANOORNEQ
GAMBLING
ANINGAASANOORAJUNNEQ
PINNGUAATIT
KAARVITTOQ
AUTOMATIT ANINGAASANOORFIIT
NALLUKATTARNEQ
ILUATITSISINNAANEQ
AKILERNULLUNI EQUINARNEQ
ANINGASAT
ILUANAARUTISSAQ
AKILIUTIT
AJUNAARUTEQARNEQ

KONFERENCE PA HHE I NUUK 26. OG 27. SEPTEMBER 2018

NAALAKKERSUISUT
GOVERNMENT OF GREENLAND



Nunatsinni aningaasanoortarney, ajornartorsiutaava?

Septembarip 26-ani 27-anilu 2018 Nuummi H.H.E.-mi ataatsimeersuartitsineq

Siunertaq

Inuiaqatigiit isaannik isigalugu nunatsinni aningaasanoortarnerup qanoq ililluni nalilersorneqarlunilu siumut isigisumik iliuusissamik toqqaanissamut kiisalu inatsisitigut nutaamik inatsisiliunneqarsinnaanersoq apeq-quserneqassaaq.

Anguniagassatut pilersaarutip piffissaa, imassaalu

Ataatsimeersuarney ingerlanneqassaaq septembarip 26-ani nal. 13- 16.30 aamma 27-ani nal. 8.30 – 16.

Tunuliaqut

Nappaat inuiaqatigiinni minnerpaamik 1 %-imik atornewartoq inuiaat nappaataannik taaneqartarpoq. Inuiaat nappaataat inooriaatsit aningaasaqarnerillu nikittarnerat tunngavigalugit allanngorartarpoq. 2014-mi Inuiaqatigiinnik misissuinerup paasinarsitippaa imigassamik ikiaroonartumillu atornerluinerit Nunatsinni ajornartorsiutit annersarigaat, taakkunungalu ajornartorsiutinut ilanngunneqartarpoq aningaasanoornermi ajornartorsiutit.

Aningaasanoortarney arlaliusinnaapput. Nallukattarluni aningaasanoorneq, bingo-rtarney, automaatinik aningaasanoorneq, kiliortortakkat, tips-ernerit, lotto-rnerit, odds-it allarpassuillu. Siusinnerusukkut nammineq ornigunnikkut aningaasanoorfiit atornewarput. Ullutsinnilu qarasaasiaq atorlugu internet-sikkut ingerlallutik. Tassunga ilutigitiillugu qarasaasiakkut pinnguaatit annertusiartuinnarlutik soorlu: e-sport, FIFA, counter strike allarpassuillu. Taamaasilluni aningaasanoorutit ineriartornerat sukkasuupilussuulluni.

2005-imi 2014-imilu innuttaasut aningaasanoortarnermi ileqquat ernumanartumik ajornartorsiutinngorsimanagera ersersinneqarluni. Innuttaasut aningaasanoortarnermi ileqquat ernumanartumik ajornartorsiutillit; 2005-mi 13%-upput, 2014-milu 20%-ulluni. Annertuseriarnermiipput angutit inuusuttut, taakkuuppullu qarasaasiakkut aningaasanoornermik atuinerpaat.

Siullerpaamik 2018-mi meeqqat atuartut aningaasanoortarney pillugu misissuiffiqineqarput (HBSC).

Allorfik, Pinngitsuuisinnaajunnaarmik Paasisimasaqarfiup aningaasanoornermut katsorsartinnissamut neqeroort nakkutigineqarpoq. Allorfiup 2016-17-imullu Ukiumoortumik nalunaarusiaani atuarneqarsinnaavoq, aningaasanoorluni ajornartorsiutilinnik innersuussinerit ikinnerpaajusut. 2016-mi innuttaasut 63-it immersuereerlutik qinnuteqartuupput, taakkuuppullu aningaasanoornermi pinngitsuuisinnaarnikut katsorsartikkusuttut. Kisitsisilli taakku 2017-mi amerleriarput 70-inngorlutik. Allorfillu 2016-17-lu Ukiumoortumik nalunaarusiaani uppersarneqarpoq katsorsartittut allanik soorlu aanngajaarnitunik ajornartorsiuteqartuusut (imigassamik, ikiaroonartumik imalt. inuuniarnermik "unammillernartitaqartut" soorlu suliffissaaleqinikkut inissiamilluunniit amigaaqarnermik).

2018-ip upernaavani Allorfik aningaasanoortarneq pillugu unammisitsivoq. Tassunga atatillugu nittartakkamik pilersitsivoq www.gambling.gl, unammisitsinermut aningaasanoortarnermullu paasisutissat tassani allaaserineqarput. Unammisitsinermi siunertaavoq aningaasanoortarneq pillugu pinaveersaartitsinissaq kiisalu aningaasanoortarnermi ajornartorsiutip eqqumaffigineqarnerulernissaa, qaqugukkut aningaasanoorne-rup pimoorusaannginnissaa (“nuannersuunera”), qaqugukkullu ajornartorsiutinngorsinnaanera pillugit.

Septembarip 26-anut programmi

12.15 – 13.00: ULLUP QEQQASIOQATIGIINNEQ

13.00 – 13.10:

Tikilluaqqusineq Peqqissutsimut Ilisimatusarnermullu Naalackersuisoq, Doris J. Jensen.

13.10 – 13.20:

Birgit Niclasen, Allorfik, Pinngitsuuisinnaajunnaarnermik Paasisimasaqarfik: Sooq aningaasanoortarneq pillugu ukkatarinninneq?

13.20 – 13.30:

Akilerartarnermut Aqutsisoqarfik: Aningaasanoortarnermi isertitat, tassungalu atatillugu kaaviiartitat?

13.30- 13.50:

Christine Viskum Lytken Larsen: Kalaallit Nunaanni aningaasanoortarneq ajornartorsiutaava – ilisimatuutut kiisalu inuiaqatigiit peqqissusaanniit isigalugu.

13.50 – 14.05:

Kalaallit Nunaanni Timersoqatigiit Kattuffiat: Timersornermit aningaasanoornerit kiisalu aningaasanoorneq timersuutitut.

14.05 – 14.15:

Meeqqat illersuisuat Aviâja Egede Lynges: Aningaasanoortarneq pillugu meeqqat oqariartuutaat. MIO-p suut tusartarpai.

14.15 – 14.30:

GrønlandsBANKEN, innuttaasunik sullissinermi pisortaq, Mads Andersen: Aningaasanoortarneq isigalugu aningaasaateqarfimmi suliffimmiit – Ajornartorsiutaava?

14.30 – 14.50: KAFFE

14.50-15.20:

Center for Ludomani, Odense: Aningaasanoornerup kiisalu taassuma malitsigisaanik pinngitsuuisinnaajunnaarnerup qanoq ineriartornera naatsorsuutigissuarput. Qanorlu ineriartornera malinnaavigissuarput?

15.20 – 15.40:

Birgit Niclasen: Nuummi inuusuttut – meeqqat atuartut aningaasanoortarnerannut tunngatillugu paasisimasat. Qanoq amerlatigaat – ajornartorsiutaavalu?

15.40 – 15.50: UNIKKALLARNEQ

15.50 – 16.20:

Nivi Thomassen Olsen, Allorfik: Meeqqat atuarfianni aningaasanoortarneq pillugu unammisitsinermit ajugaasunik ilisaritsineq, kiisalu ajugaasut video-lianniik takutitsineq.

16.20 – 16.30:

Ataatsimeersuartitsinerup ulluata aappaata saqqummiunneqassaaq.

Septembarip 27-anut programmi

Suleqatigiilluni sulinerit ullaap tungaani ualikkullu ingerlassapput. Suleqatigiit oqallissaarutininik naatsunik saqqummiussisoqartassaaq, taakkulu tunngavigalugit eqqartueqatigiittoqartassaaq, naggataatigullu suleqatigiinniit isummanik inerniliisoqartassalluni.

Siunertaavoq peqataasuniit aningaasanoortarnerup qanoq annertutiginera paasissallugu, qanorlu pinaveersaartinneqarsinnaanerata pingaaruteqartigineranik, siumullu isigisunik suliateqarnissat, nutaamillu inatsisilinneqarnissaat?

9.00 – 9.30:

‘Get together’, paasissutissanik saqqummiussineq, filmeeqqamillu takutitsineq

9.30 – 11.45:

Suleqatigiinneq siulleq: *Meeqqat aningaasanoornerlu? – Siunissamut aningaasanoortarnissanut piareersimavugut? Ajornartorsiutaava?, Qanoq sillimmartaarfigissavagut? Inersimasummi?*

Suleqatigiinnerup aappaani: *Aningaasanorrtarnerup inatsisiliorneqarnera, inuiaqatigiittut aningaasarsiornikkullu aningaasanoortarnerup eqqartuiffigineqarnera.*

11.45 – 12.30: ULLUP QEQQASIOQATIGIINNEQ

12.30 – 14.45:

Suleqatigiinnerup aappaa: *Aningaasanorrtarnerup inatsisiliorneqarnera, inuiaqatigiittut aningaasarsiornikkullu aningaasanoortarnerup eqqartuiffigineqarnera.*

14.45 – 15.15: KAFFE

15.15 – 16.00

Naggasiilluni saqqummiussinerit oqallinnertallit.